


Jekabaara

Jamana **SNV** **CMDX** Cikela cemān n'a musoman kunnafoniseben
a bɛ bɔ kalo o kalo
Jamana baarada la BP. 2043 Bamako (Mali)

Madu Trawele ye cikela jang ye Furuma dugu kono min ye "Toguna Endisitir" ka ladiyali tarakiteri soro

je 11 ni 3 nan



Madu Tarawele

Dantigelikan Mali jamana ye san 51 soro dere

San 1960, san 2011, o ye san 51 ye. O de fana yan ka Maliba balosi kuntaala waati ye ka se jinan san setanburukalo tile 22 ma. San 51, ni taamascere sanhake don adamaden si la, waati damine sanhakeko don jamana kunturu ka dijenatige ko la, o min ye baddabaaako ye. Maaw bɛ bila jøgɔn ye, ka soro jamanako bɛ to sen na. O de koson an bɔn ka Maliba in sigisan-waati-tereme san jujɔn ke san 1235 ye, hali nà ko jonsan bɔ jukɔrɔ. An bɔ ke kada kan an ka jamana farajøgɔnkan maañemaa fɔlɔ, ko Sunjata Keyita, o ka waati be tali ke san 1235 de la.

Ka bɔ o san na ka se san mafalen jamana kono ani 2011 ma, san keme caman jamana kotigya la ka kənew taama fuguri wulira Mali-

denw fe, minnu kono, an ye maañemaa caman lakodɔn ani kà caman ye, fo kana a bila jamanakuntigi Amadu Tumani Ture la bi, ale min yere be kà sigiyɔrɔ labilali deben fensen jamanakuntigi kura ye san 2012 zuwenkalo tile 8 kanma. O ye Alataanukoba ye, o min bɔ seereya an ma ko : « jamanako te maañey, nka jɔyɔrafako don ! »

Tumani Yalam Sidibe

San 2011 san-gemɔn gintanw kera Sankaw fe

je 4nan

Tulu jugu ye mögg 130 bana Kucala

je 7nan

Musow ka bololantolan, «Afrobasiketi» kunben laben bɛ sen na Bamako ?

je 11 ni 12nan

Kalo kumasen jang

Mali jamana ye ji-kan-kurunba de ye, Baji ni kɔgɔji tingi-tangara je o ñame, a bɛ lamaga de, nkà te dafiri abada.

Alfa Umar Konare

Mali jamankuntigi kere

San 1992 zuwenkalo tile 8 fo san

San 2002 zuwenkalo tile 8

"Kalan be mögg sɔn hakili la, nka kunnafoni be mögg bɔ kunpan na" Yére Ulen Sidibe

Bee ka ke faso Mali fe !



Hamidu Konate

Kabi kunu, Maliden taa-maseere ye məgə ye min labennen don ka dijé a yera kun n'a bolofén bee kə Mali kā jntaa sabatili kadara kōnɔ. O de kosɔn, an ye fəerə sərɔ gelya sərɔlen bee la


nəgənkumajnəgənyə ; nəgə-ɔnfaamu, ani ko-to-nəgən-ta-la kadara kōnɔ. Kabi an ka yəremahorənyə tādon, alamisadon, san 1960 setanburukalo tile 22. Mali ye ja-manaba danbetigi ye ka da an bənbaw ka fasokanu wa-lew dusudon taabolo ciyen matarafali kan, kà bila an nə, n'an fana kunw donnen don olu doni kərə hali n'u gi-rinyara an kun waati dəw la. Kabi kunu fo bi, dijé fan bee, Maliden dən turunin kelen-pe kera fasoden jumanya jogo nà kewale de ye. A ka kan an kō matarafa juru jija walasa an denw n'an bəns-ɔnw bee fana ka bə an nun-ma fasoko la !

Hamidu Konate

Hakilisenekene

Ko ni san ye məgə ye bon kolon kōnɔ, a bə k'i jnəna kà te tige e yere juguya kanma, ka sərɔ o te, barisa ni ko bee b'a waati fe, hakili-to-nyerela waati te keko jugu mɔnɛ sərɔli don ye.

Tumani Yalam Sidibe




N da tə ko la

Ko dijé məgə bee n'a da-kan don ;
Ko dakun bə dijé fen bee la ;
Ko kun bə dijé ko bee la.
Mun kanma an tə k'an yera ye
ka waliko bee bila an kō
ka masɔrɔ,
ka masɔrɔ,
ka masɔrɔ dərə,
Məgə si kunkontan tə,
Barisa bee b'a fe
Ka ke « kotigi » də ye.
O dun de fana ye dakanko ye !
O de kanma
Bee bə taama ka dan i
seyɔrɔ
Hake la.
O b'a to
Ni ko-bee balawuntan be,
ko-bee kurunyerela nəgən
kasaarantan tə.
An k'an yera ban an yera
ma.
Ka sərɔ an ka janto
Ma kunbaya wali jogo
jugu la.
Bee n'i kasa jugu bɔyɔrɔ...
Bee n'i kasa jugu bɔyɔrɔ...
Bee n'i kasa jugu bɔyɔrɔ !

Tumani Yalam Sidibe

Madu Trawele ye cikela ḥana ye Furuma dugu kōnɔ

Furuma dugu cikela min ye Agoro Endisitri ka lajali tarakiteri soro san 2010. Madu Trawele ye cikela min ye Agoro Endisitri ka lajali tarakiteri soro san 2010.



Usumani Nuhun Trawele

kōnɔ, ale min ye kōrɔi cikela ḥanaya jala soro baarasan temenen na. O kadara de kōnɔ, a ye tarakiteri kelen soro, nō ye « Toguna Agoro Endisitri » ka ladiyalijalaba fōlo ye. Jamanakuntigi Amadu Tumani Ture fana yà bisimila a baara k'a fo kosebè ni walejumandɔnkan ye a ka baara juman kanma, min ye tamaseere ye kōrisene keko juman kōrɔi la Mali kōnɔ, ani a ka sumansene keko juman.


Mōgɔ 202 de be Madu Trawele ka cikeda kōnɔ, muso 111 be jate

Kalo kalanbulon kumasen

Fen o fen, nà fora o ma ko : « Nin fen in be na », o kōrɔye kō kō o suruyard a nà ka ban ! Nin ye kumasen ye an ye min tōmɔ Mali silma orajosoba jemukan kōnɔ. A yàn sòn hakili la. An ka dòn ko baara dərɔnpe de be mōgɔ ḥunafan, ka kōrɔjɔnjɔn dòn ka dinendige ma, sabu la, ka bi don min ni mōgɔ wolora, a ka ko labanko be kafé damine !

Tumani Yalam Sidibe

Jekabaara bəko 311



Madu Trawele, cikela min ye Agoro Endisitri ka lajali tarakiteri soro san 2010.


min hake la, (muso kunba ni npogotigi). Madu ye tamaseere-di-cikela ḥana ye min be tari 140 cikɛ san o san senefen bee la : kōrɔi ; sajɔ ; kenninge ; kaba ; malo ; fuurr ! Ka fara o forokene tari 140 kan, Madu Trawele be mangoroforo fana labadra (tari 12). Lenburubaforo tari 3,5 fana bā bolo ani səməforo tari 5. Madu Trawele be baganmara fana ke. Misi 400 de bā ka were kōnɔ, sarimisi hake 45 bɛ min hake la.

Baarake-minen ye Madu Trawele ka cikeda labə haali. Tarakiteri 2 bā bolo yen, a y'o min kelen soro cikela ḥanaya ladiyalji kadara kōnɔ. Sari 6 bā bolo, ani dabayana 4 ;

dannimasin 5, ni dəwərew.

2010/2011 baarasan na, Madu Trawele ye kōrɔi tari 65 de cikɛ ; a ye kabaforo tari 48 cikɛ ; ka sajɔforo tari 5 cikɛ ; a ye samijefemalo tari 10 cikɛ ; ka sunbalajirinin tari 5 cikɛ ; ka tigaforo tari 1 cikɛ, ani baganbalo furabulu tari 2, kō fana cikɛ. A ka lajini ye kōrɔi tōni 93 sərɔli ye jinan ani suman tōni 150.

Ka da jamankuntigi ka lajini kan Mali kōrisene ka sansoroko kura kadara kōnɔ, an bā jini Mali cikela min be u kā jini ka Madu Trawele ta jəgɔn ke ka bā Furuma (ka kōrɔi ni suman sebekɔrɔ soro ke).



Kōrisene ka jeta kosɔn, cikela bee ka kan ka Madu Trawele ta jəgɔn ke.

Ni cikela minen ye Madu Trawele ka cikeda labə haali. Tarakiteri 2 bā bolo yen, a y'o min kelen soro cikela ḥanaya ladiyalji kadara kōnɔ. Sari 6 bā bolo, ani dabayana 4 ;

**Usumani Nuhun Trawele
CMDT baarada ladilibaga
cika keko juman kadara kōnɔ
CMDT jemaco (Bamako)**

San 2011 sangemən gintanw kera sankaw fe



Mənnikelaw ka nisəndiyadon ye sangemən ye san o san.

Kabi san-kemə-yirika bi, san o san samijedonda fe, sankaw be tile saba jenajé ke ka jesin u ka ba bolofara (sange) mənni ma.

A bamən kotigiw ye Parana ni Terekungo duguw ye. San o san samijedonda fe, tile saba be boloda o baara kanma, min gintanw be damine taratasu, ka tarata tile bəe ka ko la, ka t'a kunce arabadon. Tiñe don, sange kənə jegeko te i ko a tun caman be sərə san kərəw la cogo min, nka ladala-tilen siratges la, ani yersla nagako kadara kənə, a don wulatiledafe ka don fitiri kənə, San Bozow ni sinka denmisew ka se a maakərəbow ma, bəe be jigin ba kənə, Beleninceji sira la ka t'u fari bə jəgən na. O be ke dunufəla ŋanaw ka dunukanw

kərə, k'o sankərəta ni dənkilidamusow ka dənkili saramaw ye. Jege kunba dəw be sərə ani jege misen caman. Fitirida masrunya na, jama be bo ba kənə, bəe n'a ka sərəlen, ka so səgəre.

Məgo be se k'a fo ko sangemən diya bəe bə su de kun kan. O su, da bə se ka ke San dugukənəməgo dəw ye ke, nka sunəgo te məgo si ye. Dunukan ni balakan be fan bəe; minfenw be min ka bə jaw kərə, awa sogow bu bə fara fan bəe, k' u kolow susu !

Aa ! Sangemən su diya ni yerediyako danma don San dugu kənə dere ! Balafəkenew ni dunufəkenew kan, cemisenw ni npogotigw be bara rədiya jəgən bolo. Awa sen-da-sen-kan kəle te ye fan si. Yafanma be ko bəe kun !

Sangemən tile sabanan, baaraw be kunce ni foliw ye ka taa San məgəbaw bara Karantela, ani ka bonya masegin ke ka jesin San sigifenw ma kələnba kərə. Hali ni torosun saba te yen belen, taasibila be ke ka jesin u ma. Ni San dugu yere kotigiya be marakajalanw bolo, n'o ye Trawelelawey, an k'a don ko San kunkanko si te se ka latige Terekungo ni Parana dugu bəbəw kə dere. Dənnikelaw ka fo la, n'i yə men San, i be Dayelan dugu fana kofə, kelenjəgənya tinsira bō dugu min ni San ce kabi lawale la.

Gəferenama məgəw tun be kene kan

San 2011 sangemən gintanw kera Mali baganmara ni mənni minisiri ka cidenw jena, olu minnu yera a taabolo kene bəe kan.

Seko ni dənko minisiriso məgəw fana tun be kene kan.

Sangemən ye lədalako ye min jəda ka bon kosebe ka də kərə kan n'o ye San n'a laminiduguw bəe ka donjəgənna waleyako ye.

Sangemən min be ke san o san samijedonda fe, a ka kan Mali jamana jəmaaw ka ko bəe ke walasa ka də fara o gintan kan. A tile saba kanma, hali Burukina Faso jamana bəbəw be bə Bəbə Julaso dugu kənə, ka na badenya waatinin ke Sankaw fe. O be jamana fila ka donjəgənna kofə ko kelen kun na !

**Yusufu Famori Fane
Jekabaara ka ciden Sa**

Waati lahala kənə baara keli de b'an nafa

N'i ko waati, i ko tuma. Waati ye fenba ye Ala ye adamaden da, k'a bila min kənə. Waati be tila ka taa tilayərə saba la. Olu ye ninnu ye :

- Waati temenen
- Waati min be sen na
- Waati nata.

Waati temenen te lasərə belen. Waati nata ye fen nata ye min ma se fəlo, nka nən bən ka dijenatige ko ketaw boloda ka ben a ma. Waati min be sen na, o de ye adamaden ta yere ye, a ka kan k'a banban min kan, bawo a b'a to o de kənə k'a ka ko ketaw boloda. A b'a ka waati temenen kənə

wale ketaw tiime a ka sisān waati de kənə fana, k'olu keko juman n'u keko jugu jatmine. Waati ye adamaden yere də de ye, bawo məgo ka ko kunkun n'a jəjen bəe be waatiko de kənə, k'a ta a bangedon na ka t'a bila a ka saya don na. Wa, o te adamaden kelen kunko ye, fenjenama bəe bō ka-dara kənə. Dijenatige ko to bəe fana be ten de. Adamaden be bange waati de kənə, ka lamo waati kənə, ka kalan waati kənə, ka baara ke waati kənə, ka ke fen ye waati kənə ani k'a ka ko laban ke waati kənə.

Waati ye temenfen de ye min te jo abada. Adamaden ka kan ka baara də de bo-

loda waati kənə min b'a nafa a ka dijeso-sigi kənə, hakilina juman, kalan ani baara nafama kadara kənə. Adamaden man kan k'a to waati si ka teme a kan ka sərə a mō tonə bə ! « Waati nafa k'a bon hali ka teme sanu bilen ta kan ». An k'an-jija ka ko bəe k'a waati la. O de kafisa an ma. An kəni k'a dən fana ko baara kewaati temenen fana keli man kan ka dabila, ka masorə : « ni ko bəe b'a tuma fe », an ka maqərəbow fana b'a fo ko : « məgət'i ka tilerəfana daga jigin k'a ma sigi joona » !

**Burama Keyita
Ka bə Bamako-Kura-Bolibana**

Sonébugu ye Nciba komini duguba ye

Ka bə Falaje n'o ye Nciba komini sigidugu ye, ka Jibirula sira minə, kininyanfan fe, Sonébugu dugu sigilen bə yen. Yen sigibagaw ye Kulibaliw ye. U bəe ka dijenatigé sinsinnen don dugukolo cike de kan. O de kanma kabi san 1977, ka Kekuta Sisokə to tiga ni suman senebaarda sekiteri kuntigiya la, ka sərə Bagi Jara (Ala ka hine a la), bə balikukanlakoleni la, ani ka Zozefu Kulibali to balikan karaməgoya la Sonébugu dugu kənə, Sonébugukaw tun ye yəremənəbə cikela yanaw ye. Hali « OACV » o taalen kə yere ke, ka kene to « OHVN » cike yiriwabaarda bolo, fo ka se bi ma, jə ni tiga ani kōri bə sabekorə cike Sonébugukaw fe. O yere de kanma, san 1977 ka balikukan karaməgəw to u ka san dayelen banbankalan na Tora-

do, Sonébugu balikukan karaməgə Zozefu Kulibali tun b'a fə Falaje lakoleni Zaduga Kumare ye waati caman ko : « Aw bə baara la aw ka kalosara de nə fe. O ye ko səbə ye, ka masərə o kadara de kənə aw b'aw furumusow n'aw denw ladon ! Nka, i kə dən ko dijə ko bəe la, jənyerema dan ye anw cikelaw ta ye. Anw de bə don foro kənə an yere ye ka sərə kə losara t'an ye. Nafolo sərəsira min bən bolo o ko la, o ye cikəko juman, sərofən w sannifeere ye. O dun te sərə yərelamala kənə, f'i ka dugukolo kəle səbə ke de » ! Kabi san 1977, balikukan tun talen bə səbə la Sonébugukaw fe. A ko si tun te fə yenkaw ko. O yere de y'u ka kalanso ke Falaje (Nciba) « OACV » sekiteri balikanlanso səgeretaw kolo girin də ye ni dunaw ye san 1977 waatiw la. Bi, an

bə se kə fə ko dijə kənə don si te kili a don were lahala la. Kow taabolow bəe yəlemand fan bəe fe. O kəni kəra cogo o cogo, fo ka taa dijəsosigi in kuncə, an bə se kə fə ko səne n'a sabekorə ke təna ke kərəlenko ntaalen nəfəta ye Sonébugu dugu kadara la.

Nin jemukan in kənə a kafisa n ka foli lase Mamaribugu balikanlakoleni kərəw bəe ma, olu minnu tun bən ni n karaməgə Bagi Jara kunben waati bəe ni kalansen jumanw ye. N hakili la, tiga ni sumansene yiriwa baarada n'a ka bin o bin, a kera sababu ye ka cikəko juman səbəke dusu n'a jogo minnu don Falajekaw la, o wale nəərəw bə yen halibi. Ala kana o duga !

Tumani Yalam Sidibe
« Sefudezafu » kalanden kəre
Falaje

Banisirayilakaw ni Palesitnikaw bə jəgən na a meena !

Kabi san 1967 Banisirayila jamana ni Palesitini jamana bə waati bəe jəgən-cə-furuku-jəgənkərə ni waati bəe kelejəgənya la. O sabu bərə dijə jamanaw ka dənjəgənnatənba de ka mabenwale la a ye min karaba san 1945 la. O mabenwale kera kene diyagoya tali de ye Palesitini dugukolo kan, k'o di Banisirayilakaw ma, k'o ke olu ka jamanaw ye. O kera ka də kan, dijə kunda keleba min kera jamanaw bəe ni jəgən ce (1939-1945), o keleba ləwulibaga, Adəlfu Hitileri, tun ye bərə jugu lawulibya ta ka jəsin Banisirayilakaw ma, k'u labə u ka faso jamanaw kənə, k'u jensen dijə kənə. San 1945 de la, dijə jamanaw ka kelenyatənba, « ONU », ka keta kolo kunba fələ də kera Banisirayilakaw laseginni ye kokura u təgəla dugukolo jamanaw kənə, dijə jamanaw ka bisigi-kene na Palesitini dugukolo.

kan, ka ben dijənə ləkodənnən bəe sənna ni Palesitini ni Banisirayila sigida kərə dance ma bi kabi nabila Iburahima tile la. Kabi san 1967 fo ka se bi ma, sigi jəgənya geleyara Palesitini ni Banisirayila ce. Awa larabu jamanaw bəe kera Palesitnikaw jukərəmadonbagaw ye.

An k'a dən ko n'i ko Palesitini ni Banisirayila, i ko dəre ko : « Ala-kelen-dənbaga-diinew » bəe baju-dugukolo : Yahudiyaw (Musadiinə) ; kərecən w (Isadiinə) ; silamew (Mohamdu-« kisi ni neema b'a ye » dijə.

O de ye Palesitini ni Banisirayila ce geleyaw ke dijə bəe kunkako ye.

Banisirayilakaw kera « nzereninje ja-tigi-faga jiri » ye ka jəsin Palesitnikaw ma, ka d'a kan kabi san 1967, Banisirayila fana ye Palesitnikaw ka jamanaw dugukolo bəesi u la, k'u ke tunkarankew ye dijə kənə.

Dijə jamanaw ka tənba (ONU) ye cəlabən sira ta k'u səgərə kokura. U bəe sənna n'o ka taabolo ye : Banisirayilakaw ko ko hali ni Palesitnikaw ka jamanaw bə d'u ma, o bə ke a ka sisin dancew kadara de kənə. Palesitnikaw ko, o ye wajibi ye min bə ke ka ben san 1967 dancew de lahala ma, ko awa fana, olu ka jamanaw fagaba bə ke « Zeruzaləmu » dugu ye !

I komi bənkola ma sərə jə si ma kelejəgən fila-ninni ni jəgən ce, Palesitnikaw ko ko san 2011 setənburukalo in tile 20, olu bə ye ONU ka lajəkənə kan, walasa ka dijə karaba k'u ka jamanaw ləkodən dijə jamanaw yəremahərənyalerw fe ani k'u ləkodən « ONU » təndən jamanaw ye.

Bəko nata kənə, an bə taa jə ni kunnafoni in to ye.

Tumani Yalam Sidibe

Mali politikimögow taabolo bë di ?



Jemufanga sinsinda ye kalafili ye. O be ke an ka jamana kono !

San 1991 marisikalo tile 20 ; 21 ; 22 fo ka sà 26 ma, Malidenw kera ce-kelenfanga ni muso-kelenfanga ye Mali fan bee fe Musa Traewe ka san 23 gerentefanga juguya la. U ye subow ni marafakasaaraw kun u ka jinifén waleyali kun kan, n'o ye fanga jugu o dafirili ye. A be fo ko : « n'i y'a men ko n ma n ka juru kun lasoro, o koro ye k'i danna sira la de a moenébésira kan ! » San 1991 marisikalo tile 26 don, Musafanga dafirila, ka jemufanga bulonda dayelen Malidenw ne. O yere de sabatira ni jemufanga kalafili waleyaliw ye, minnu taara kunce san 1992 zuwenkalo tile 8. O don de, Musabin kofe furance fanga konnegé donna Malidenw ka jamanakuntigi sugandilen bolo, n'o ye Alfa Umar Konare ye. O waati kono, politikiton naani de tun be sen kan ka ban : korelen lajenamayalen fila : PSP ni US-RDA ani kura sigilen fila : Cnid ni Adema.

Mogo be se k'a fo ko ni Malidenw ye tönbodaw soro u ka jemufanga nöfz wulikajow la, o belebele dë ye politikitonko kannabilali ye.

N'o hake tun be naani na san 1992, a be 110 sanfe bi ! Töntko yere kadara kono, mögë be se k'a fo k'o politikiton keme ni tan amj k'kelen kelen bee n'u ka faso-boloda don, n'o ye jamandaara taa-bolo « porogaramu » ye. Jamana kelen, jamandaara « porogaramu » keme ni tan ni

k'o, olu, caman be ke danmadë sennö fuguri kan dere ! O de kanma, a fanba togë yere be kunpan na jamanadenw bolo, ka dà kan u togë fo man di ka soro meri-sugandi-kalafili walima depite-sugandi-kalafili waati te.

Politikiton dun ye jamana kono sigidaw de ka jetaa waleyali demefereda ye folo, sanni ka se meriya ; depiteya, walima minisiriya jini ma. O koson, dijne kodonna ba dë ka fo la, n'o ye Lagine peresidan koro Ahmed Seku Ture ye, « politikiton jemaa juman de ye sidda maa-sebe folo ye, k'a ma soro ale folo de be ye sigida kono mögëw kunkolene bee kan, a juman n'a juguman ! »

Fen min ye fasoden-jumanya ladonniya kalanbonw ye töndenw kanma, o fana ye politikitonw ka baara keta ye. O baara yere de kanma, san o san, Mali jamana be deme wari miliyari hakew walima milijon keme-hakew de don politikiton lakodonnen kelen-kelen bee bolo. A kafisa sa walew k'a jira an na ko politikitonw joda be se ka na ni here ani sigi-rodiya sabatili yan ka jamana kono, ka masoro u ka walew taabolo fe jamanaden bee yò dën kolu ka ninyoro be faso ka jetaa la. Awa faso fana ninyoro boli ka fasoden jumanya baaraw laten, bi gelya fanba be fura jenjén soro sinsin !

Tumani Yalam Sidibe

U ko...

Afriki ntolatan jetaa nejini jekulu caman mögëw be nafolo de jini. U te ntolatan ka jetaa lajini !

Elaji Jufu

Senegali ntolatanna jana dë

Dijne yere ye adamadenw de ye ! Ala yere ye adamadenw de ye. Fen o fen be fo Ala kan, o be be mögëw de yoro !

Alimami Ba

Tarikubola ka bë Segu

Ka jomi san k'o di muso kun gannan ma, o te ko lankolon ye, nka ko gansan de don !

Amadu Bari

Tarikubola Bamako

Ni mögë min ko ko : « jamana in ka di ! », jamanakuntigi ko man di mögë min ye, i bilala o tigi la !

Amadu Bari

Tarikubola Bamako

Faantan ye « sarimisi » de ye. Samipe fe, a be sari saman ka foro sene, ka joba soro. Nka, n'o jo kanna, a be siri ja o da fe. A ne bë la, nkà te kun a la k'a da don a la !

Habibu Danbele ko « Ginba Nasonal », Bamako, Mayanbugu Poroze kin na.

Fen fila de be mögë bali ka sunogë : « nisondiyako jugu, ani kamanaganko jugu ! »

Alimami Ba

Tarikubola ka bë Segu

Musokoréni t'a ka den wolo dabila n'a ma nun kurunin wolo !

Jeli gafe

Ka bë Madina Sako (Bananba)

Cé kôlîlen file ka di ka teme muso kôlîlen kan !

Bubakari Jara ko « Buki »
Arajo Kledu komajagala dë Bamako

Sira ma jî

Sikaratiden kelen minni këfëwaati te sanga 30 sôrë ka sôrë a ma kasaara ke sikarati minna kan. O be fogonfogona-kanseri farati la ! Ka da Ameriken jekulu dë ka jinini kan, sanga 30 dörön sikaratiden kelen fiyeli këfë, fen jugu minnu be sikarati kono, olu b'u ka maasiba baara damine sikarati minna farikolo minenw (ADN) la. O b'a jira ko sikarati kasaara be kunbø kabi den kelen fôlø minnen.

O fen jugu minnu be sikarati kono, olu ye kanseri bana jukorémadonfen kolo girinw de ye minnu dønnen be kosebe. U be kanseri baju

sigi sikarati sisi temesira bee kan farikolo la : daburuw ; nén ; nénén ; fogonfon juruw ; fo ka se fongonfogon yere ma...

Bee bo kasaaraw kalama. Nkô na ta bee, Minezota dögötörösoba (Lameriken jamana) dögötörö de ka fo la, nô ye Sitefeni Hetisi ye, aks a a balara ale la kâ ye sikarati minna « yerebô » 12 yorë, nin kasaara in teliya yale joore cogo min. A ko sikarati kasaara don ka telin cogo

min na adamaden farikolo kono, mëgô be se kâ ni tuguci-fura-donfari-la dörön de teliya sanga nögön ma. Nin ye ladilikan ye ka jesin mëgow ma minnu b'a fe k'u sen don sikaratimin na. U kâ dabila ka dâ kan juman foyi ta ko la maasiba ko.

Ka bô « Les Echos » bôko 3728 kono

« Destination danté » ka lase Tumani Yalam Sidibe

Farankan :

Dafenw farikolo dacogo ce pena haali Ala fe. N'i ya lafulen ye, o ju be farikolotigi jogo jugu de la. Ka fen dunta dun ; ka fen minta min ; ani k'i yorë janya kasaara fi ne jugu la, o de be sjantigya kofô, ka dâ kan a be dijenatige sabati farikolo keneya kono. Si-janko te, si-surunko te, balo kecogo pumanko don. Maa ka « kenyerefé » sindi fôlø ye « jantoyerela » de ye.

Tumani Yalam Sidibe

Tulu jugu ye mëgô 130 bana Kucala

Karidon, san 2011 utikalo tile 14, mankan jugu dë ye Kucala bee labo dere ! Waati 20 nan fanfela la banabaato fôløw donina ka bô Koko kin kono, k'u kun da Kucala dögötörösoba kan. U tun be ka fœn kosebe, awa kônëboli fana tun bo sen këro. U jininkalen, u ko kôlu ye Kucala furufurufecerela dë de ka furufuru san kô dun kô de këra u ka bana sababu ye. O furufurufeceremu so fana jininkalen, a ya ka furufuru yiran tulu sanyorë kofô. O waati kelen na suman nögö ko koejinina dëw tun be kâ jini kâ dën mun nana ni sumanko kasaara in ye. Furakela jekulu to kelen tun be ka banabaato furake. Kucala dögötörökuntigi ka fo la, nô ye Mahamadu Magasa ye, banabaato kulu were fana bora o waati kelen na, Hamudalayi kin kono, k'u kunda Kucala dögötörösoba kan. Hamudalayi ye Kucala ja-

matigi-kinba dë ye. Bana taama-seere minnu tun be Koko bana-baatow la, olu de fana sôrëla Hamudalayi taw la : fœn ni kônëboli jugu segesegeliw këfë, a yera ko Hamudalayi banabaato bee tun ye nsaame de dun suntige ye.


O fana be tulu jugu kofô. Banabaato 130 de kundara Kucala dögötörösoba kan. Nkâ ko jatige gelyara na maasiba ye, kâ masorë banataato bee kenyara, k'u labila. Dögötörökuntigi ya sementiya ko tulu labaaranen in ni furufuru bee dœnin dœnin be fara nögön kan k'u lase Bamako walasa k'u segesage. O de këfë, faamuya di lajew be ke ka jesin sigida kônëmögow ma.

Fen o fen be se adamaden kono, o ka kan ka ke fen jelen ye. Kono te ko, nka, kono ye bora ye fana min b'a kefen bee tona bô, hali nô be laban

ale yere ka bône de ma. O kanma, nân be fen min dun, o ka ke fen se-numan ye, kâ masorë, nân sako be balofenw ladonni na an kono, an sako t'u labeli la. Nân dun bilara u diyagoya labo kadara kono waati o waati, an kâ dën kô gaasintan to man di dere ! Kucala yan ka jama-na kono jama-caman-tigi kafoba dë ye, awa, adamadenw yiriwabaardaw fana caman be yen. Tulu-dilan-iziniw ni nôn-dilan-iziniw ka ea olu la. A kafisa Kuca-la kafokuntigi na körösigliw ka feëre bee tige walasa ka utikalo tile 14 gelya nögön bali.

An ye nin kunnafoni baju bô « L'Indépendant » kunnafoni bôko 2939 kono. A dafara n'anw yere ka lase ye Tumani Yalam Sidibe

Makariko dère !



Cikela ye sanji de ka jón ye. N'o ma na, ale te pésuma.

Mali kóno, ko juguba kelen be ka ne kamanagan dère. O te ko were ye cikédañ kónomögow ka sègen jugu ko. Kà ta Yelekebugu ka don Kolokani, ani ka bò o fan naani sigidaw bee kóno : kérón ni tilebin ; worodugu ni kénka, cikélaw be ye sègen jugu lahala de kóno fan bee. Ni moggó y'i miiri ko nin bee kan, a be fo ko Mali ye sene ni baganmara ani mogni jamana ye, i bá fo kán ka jamana némaw be k'u waso de fasojama fanba la ! Makariko dère ! An ka Kolokani kafo yere ta misali ye banni. Yen ye sigida kéroba ye min ko be sen na ka kón hali an ka jamana kóno bamananfanga waa-tiw je. Ko fo ka se bi ma, kà bò sene kelenpe la boloma yelema baraafen were walima musakabaarafen were te yan, o ye ko ye min faamuya ka gelen maa hakilima bolo.

Kolokani kafo kóno, hali jetaa waleya porozew te ko camanfen ye i nà fá i bá kème-kème soro yero tòw la cogo min. Kà bò « World Vision » la, o min ye diinetigi ba pumanket-ón ye, nále cokolen be Nosénbugu

fo ka don Kolokani, moggó kuma man di bajumanke cakeda tòw kan an ka kafo kóno yan, ka dà kan u nemadogonnen don jama fanba ma. Fen min ye sene yere taabolo ye, Òtuwale ni « agrikilitiri » baarada be o baara la a némaw. O de kanma u cakélaw ka donka-bò ka ca kosebe an ka duguw bee kóno,

Nka, fan kelen min be moggó tòn ja o fana na, o de ye ko kà bò balosenew la, nafolo soro senefen basigilen te Kolokani mume si kanma. Nán ye misali ta koorisene kan Kolokani kafo kóno, an be tu soro ko sigida danmado dörönpe de bò tòn lakodón : Doribugu ; Giwoyo ; Massantola... O bá jira ko halibi Kolokani kafo dugu fanba kónomögow sigilen be jossene ni kabasene ani kungo soroñenw nafako de kan, nafolo soroñen basigilen t'u bolo. Kolosili siratage la, an kà dón ko Falaje Nciba te Kolokani kafo kóno komini ye. Ale be Kati kafo de fe.

Makariko dère ani tungalataa kanu !

Nin de bá to tungaranke ka ca Kolokani kafo kóno, ka dà kan moggó si da te siri bin na baloko nasira la ! Moggó bee nà balocogo don je o je ma, fen kelen be bee ke kelen ye. O ye ko bolo bee ye musakko ye. N'i yó soro i yere nagakoró, a fóra a banna ! N'i dun mà soro i bo-



Ni sanji binna a némaw, hali musow be wasa forow kóno !

kabi Falaje Nciba nà laminiduguw bee, ka se Kolokani yere ni Jijeni n'u laminidiguw bee kóno.

lokoró , i be waati la sigida labila fiñebônsenkoro kanma a nafé !

**Mamutu Trawele
ka bò Kolokani**

Kabako yeelen bərə Misira jamana kənə



Misira peresidan kərə, Hosini Mubaraki ni...

San bi saba kelen kə fanga girinmantigiya la Misira jamana kun na, yen peresidan kərə Həsini Mubaraki tun be kiiritigelaw jəkərə san 2011 utikalo tile 3. Ka dà ka dusukundimibana juguya kan, Həsini Mubaraki dalen tun be kiiritigelaw jəkərə, babaatə dilan de kan. Ale nə denke fila de piangilen don k'ü ye yamaruya di polisiw ma ka murutijama məgə 351 nin kene karaba jamana kənədenw ka fanga juguya wulikajəba şenfe san 2011 feburuyekalo kənə. Həsini Mubaraki ye peresidan Anuwari Eli Sadati de nənabila Misira jamana peresidanya la san 1979 waa tiw la, maa juguw kelen kə kə bon marafa jugu kisew la, n'o nin tora o la. Peresidan Anuwari Eli

Sadati yere ye peresidan Gamali



... Ben Ali (Tinizi peresidan kərə) tora jamanadenw ka fitine funteni na.

Eli Naseri de nənabila Misira jamana kun na.

Kə dà ka bana juguya kan, peresidan binnən Həsini Mubaraki ka kiiritige wajibiyara ka

boloda waati nata were kənə. Ni məgə min ye jatemine kə piangikun na, a ka cə la Həsini Mubaraki nə denw bə man di kiiri ja nege piangikun na.

Həsini Mubaraki ka ko bən hakili jigin Iraki peresidan kərə Sadamu Hiseni de ka ko laban cogo la. Bamananw ye tiŋe fədəre : « ko diya nə goy aks te. Ko bəs danbetigiya bə labanko de kənə ! »

Sadamu Hiseni kəfə, peresi dan girin Həsini Mubaraki ka fanga lafura, kə ke kiiritigelaw bolokərəməgə ye. Waati were, belenin tuuri in da bəna pəsin fanga girin tigilaməgə were jumən ma ?

O piinkali jaabi bə-sini bolo.

Nka, bi cəbaw ka kan kə min dən o de ye nin ye : cəba o cəbi mana a seko bəs ke, a bə sigi a kamaganan dese kene kənə dən dən.

Tumani Yalam Sidibe

Nin ye kunnafoni kunbaw ye Afriki kōnō

Geji ye maa caman were dun

Nin ye kunnafoni ye an ye min mine « RFI » arajoso lase kōnō. O yà jira ko funanké cèma ni musoma mègò kème naani (400) y'u yere koron geji latige kurun jugu dō kōnō, ka bò Libi jamana kōnō, arabadon, san 2011 utikalo tile 3, k'u kun da Itali jamana kan. Kurun bolilaw tun ye mègò naani (4) yc : Libikaw ni Marékukaw. O ce naani ye taamaden mègò 400 ninnu sèbekorò koron kurun kōnō ni gosilibere ni geje ye. Nindégún koson, a caman yà jini k'u yere lafere. Nka, kurun bolilaw y'u bali o la ni gosili jugu ye. A mègò kisilen dō sasalen Itali geji kòlèsi polisiw fe, n'o ye muso dō ye, o nininkalen yà jira ko nimmatôrò koson kùnjagòn kelen geji kan, a taamajagòn caman jeda, n'u bolonkèninw, an'u senw fununa latigebaga jugu ninnu ni taamadenw wulira Libi, nka u mègò kème saba de sera ka Itali dankun lasorò kò sababu ke Itali geji kòlèsi polisiw ka demedon ye. Muso in yà jira ko mègò tan de diyagoya lafilira geji kōnō latigebaga jugu ninnu fe, ka mègò caman were bòne u nin na kene kan.

Polisiw kōni sera ka juru ke kurun bolila mègò naani ninnu kan k'u daréjininku ka kewale jugu in na. U ka fò la, taamaden ninnu tun bi fe k'u dese de n'u ka bala-ka-muruti ye, fo ka lamaga jugu don durun yere la ji kan. U ka fò la, u wajibiyara o yorò de la ka koron jugu geleya ta ka taamadenw ségeré wala ka k'u diyagoya basigi.

Mègò be dun geji fe tuma bee

« RFI » ka lasc kelen in kōnō ha-

libi, sisan, kabi Libi jamana kōnō fitine daminena, dō de farala geji ka mègò subota hake kan. Awa, a fanba ye Cadi, ni Nizeri ani Mali ni Sénegal jamanaw kōnō denmisénw de ye. Awa, hali n'a min sora la ka kisi geji tige la ka don Itali jamana kōnō, u be taa sègen jugu de sora u jè yen, ka dà kan geleya be Erépu jamanaw yere dòw kōnō bi kosebe, i n'a fò Itali. O kanma, o jamanaw kōnō denmisénw tun b'u ban baara caman ma nakoforow ni siriba furanw kadara kōnō, fòlo u be doloki bò minnu keli kanma sisan ! O bòlen kò yen, naansara jamanaw bee labòlen be tunkaranke baaradenw la sisan. O bò to jyoyorò sora man di turunkanke nalen kuraw fe !

Tunga te danbe dòn !

Nin de kanma, kabi lawale la, an ka maakoròw b'a fò ko « tunga te danbe dòn ». denmisén caman bònena u ni na so ni kungo ce ni somogòw ka yere naani kan in ye : « an ka karisa taawaati mènna tunga fe dère, Ala bëna anw n'u jèw ke naani ye waati jumen ? »

Fanga karaba mine jogò be sòròdasiw bara !

Ni wasakoba be Afriki jamadenw la haali san 2011, siga t'a la, o ye fanga sòròli ye peresidan kuraw fe jemufanga kadara kōnō, jamana caman kōnō. O jamanaw ye Kédjewari ; Lagine ani Nizeri ye. Nka, hali ni sòn pagalila cogo o cogo, a t'a kèsenw serincogo dabila dère !

Jogò dun ye adamaden delinako kòro de ye, hali n'a y'a kòdon min ma, o te ke dòwère ye « k'an ben sòonin » ko. Jamana jemufanga peresidantigi



Lagine peresidan kura, Alfa Konde sigili kalo saba dòron, sorodasiw ye kalabanciya wuliko fòlo ke a juguya la !

nin fila kònóna sòròdasi jugu dòw y'u kun da peresidan-sigidaga kan zuluyekalo temenen na ka taa bala ka mugu jugu wuli peresidanw nin kene karabali la jini kadara kōnō, walasa ka fanga karaba ta. O sòròdasi juguw, ka wale jugu kòlèlow be sen na halibi.

Sòròdasi denmisénw n'a jalatigiw caman ni siwili maa njemaa dòw kera juru rò sigana siratege la k'u bila kiirtigelaw ka bolo kan.

Nan yan taasi, an be t'a sora ko ka bitaratodon, san 1963 utikalo tile 15, ni sòròdasiw ka fanga karaba tako fòlo kera Afriki (Iogo jamana kōnō), Afriki ka njetaa ka don-ngalama na taa-bolo jugu ma kòtige, k'o sababu ke waati bee ñi yorò bee fanga karaba ta ye sòròdasiw fe : Gana ; Mali ; Liberia ; Dahomeyi (Bénin) ; Òtuwòlita (Burukina Faso) ; Nizeri ; Alizeri ; Moritani... N'a fòra ko halibi o jogò jugu de be sanga la, o man kan !

Tumani Yalam Sidibe

Musow ka bololantolatan, « Afrobasiketi », ka san 2011 kunben labenw bë sen na Bamako


* Waati-baara-karabako don :

Ni kabi san 2011 utikalo damine na, Mali muso bolantolatanaw bë yerelaben kunben la Maluzi, Faransi jamana kono, a kunbenw keyorow labaarali waati bë ka teme. Olu ye Modibo Keyita ntolatankene bololantolatanyorow (pawiyon), ni marisikalo tile 26 ntolatankene bololantolatanyorow labenw ko ye.

Dipe bololantolatanko jekuluba, ko « Fiba », farafinna seleke ta, dun ba wajibiya ko walasa kunben ninnu ka latige jamana kono, a bë wajibiya bololantolatankene fila ka soro u keli jamana kono, hake dögömanko la. Mali tun bai fe ka laben belebelé jeli ke bololantolatan keneko la min fere ye sigiyor 5000 ye bololantolatan kanubagaw kanma. O baara bolo min tun bora jamanakuntigi Amadou Tumani Ture yere yoro, o de tun bë wele ko : « pilan A ». Nka, ka da geleyabaw soren kan o ko la, an ka jamana nemaa wajibiyara ka densen

bereben « pilan B » kan, no ye bololantolatanyorow jeli ye marisikalo tile 26 ntolatankene kono, sigiyor 3000 bë soro min kono bololantolatan kanubagaw kanma. O « pilan B » de fana te ka ke ka ben a ke-waati boloda ma. O bë mogo jorekenew kono jofenw bee ka su kundama ma ka ban marisikalo tile 26 ntolatankene na.

A kogomunw yere bë banni dakun na. Nka, fan min ya kunbilifenw ye, olu minnu dilannen bëna, olu ma se Dakaro gejida la a waati la. Awa, k'u labo Dakaro k'u ladon Bamako, o fana ma ka waati la. O geleyaw de bë ka kamagan nejow bila kolabennaw la. Ka bë baaraw sabatiyor sebenw yoro, san 2011 zuluyekalo kuncewaati de tun ganatigera kò ke sababu ye bololantolatankene kura ka labila jamana nemaa ye ka ben san 2011 utikalo ma, Sinwaw ka baarada min bë sow jeli la, o tun ma kunbilifenw labennen ninnu soro a bo-



Dirisa Sangare.


lokoro folo. O bë to baara kelenw labilali jamana nemaa w ka bolo kan, o bë se ka bë a dögökoro. O na ta bee, ka da « Fiba-Afriki » ka lase kan, ale min ka cidenw tun bë Mali kono yan zuwenkalo temenen kono, min te waati bolodalen ye (san 2011 setanburukalo tile 23 fo san 2011 əkutəburukalo tile 2).

Kunben ninnu labenko seben dakun tigilamogow ka fo la, peresidan ATT y'a ka keta sebekoro ke ni min bë to baaraw tena lajë tigilamogë ma, k'u kana wale si ke min bë balan don baaraw la.

« Fiba-Afriki » ka cidenw ka kosafetaama Mali kono, o y'a sementiya nu ka nemaa Konde yere ka fo kan ye ko « ka da u ka yetaw kan u ka taama senfe Mali kono u ye min ke san 2011 utikalo temenen tile 9, ko Mali bë se ka se doni in koro halibi ! » A ko ko baara ketaw bee waleyara fo dakun 70 % marisikalo tile 26 ntolatankene kono ka ban. Kò bë to o yoro ta bë se ka labila ja-

A to be pe 12 nan kan

setanburukalo san 2011




Bololantolatan keyoro nemaa fila de bë ka jo an ka jamana kono. Nin ye marisikalo tile 26 ntolatankene ta ye.

je 11nan to

mana niemaaw ye san 2011 setanburukalo damins na. A ko ko fen min ye ntolalatankene Modibo Keyita taw labilali ye, o be se ka ke san 2011 utikalo labanwaati ma ». Nka, halibi mögö te se kà fò ko taare !

Barisq, halibi, jøørena dakun be « Afrobasiketi » kunbenw keli la an ka jamana kònø yan ka ben a waati ma.

Kunnafoni duman labanw b'a jira ko bololantolatan kene kura fila koronbokari be ke setanburukalo tile 19 nà tile 20. (Modibo

*janjø be fo Mali bololantolatanmusow ye... U be ye « Afrobasiketi kene kan !*

Keyita ni marisikalo tile 26 kénew).

Dirisa Sangare ko « Badiri »

Ni Tumani Yalam Sidibe

Jamanakuntigi Amadu Tumani Ture ka paarabonakumaw ka jésin ntolatan cedenw ma

Sibiridon, san 2011 utikalo tile 6, Mali jamanakuntigi Amadu Tumani Ture ye bololantolatan-musow ni « Irigibi » cedenw bisimila Mali peresidan sigida la Kuluba (Bamako). O kera waati 11 naa na. Bisimilali in kera walejumandøn siratègè de la ka jésin bololantolatan ni « irigibi » tigilamögëw ka ñanaya söröli ma u ka farikolojenaje Afriki kunda. Bi, Mali musolakaw nögëñ te Afriki kunda bololantolatan kadara kònø, ka masörö jala in min tun b'u bolo kabi salon, u yò yalon kokura Afriki ñanatönw nékörö !

O walejumandøn bisimila kadara kònø, peresidan Amadu Tumani Ture ma se k'a yere bali a ka dimi dali la kene kan ka jésin farikolojenaje tòw tigilamögëw ma, kerenkerenneyya la sennatolatan taabolo jugu. Peresidan Amadu Tumani Ture ka nisondiya kosën ka jésin bololantolatan ni « irigibi » musolakaw ka baa-ra juman ma, o m'a bali k'a ka dimikan sëbs fò ka jésin sennatolatan

cedenw ka jetaabaliya ma, ani o farikolojenaje lahala jugu an ka jamana kònø. Amadu Tumani Ture ka fò la, n'i ko bololantolatan, i be taa baara kecogo juman, ni labenko juman ani kotojögontala de sörö yen. A ko k'o lahalaw de kanma, anw (Malidenw) nisondiyalenba he bololantolatan ni « irigibi » musolakaw körö. A ko kòlu y'u sen don Afriki kunda bololantolatan in kunbenw la Ezipti (Misira) jamana kònø, ko nka u y'a kuncé ni wasa ye. Amadu Tumani Ture ka wasakanw la halibi, Mali bololantolatan musolakaw la halibi, Mali bololantolatan musolakaw n'u ka jala bora yan ka t'a yalon kokura Afriki tönjanaw nékörö Ezipti, k'u kosegin n'a ye ! Ako ko an be wasa n'u ye ka d'a kan olu be na ni Afriki kunda jala caman ye, ka sörö yörö were tigilamögëw (sennatolatan) te na ni foyi ye ! olu bee bù jini jamana kun ka sörö u te foyi lase wasa la, jamana ma ka bo yörö were. Nin koni kera peresidan Amadu Tu-

mani Ture ka tegerebëkan kolo girin ye ka jésin Mali sennatolatan tònba, « FMF », tigilamögëw ma dere !

Nin ye Baba Sisuma
Ka lase ye ka bo « Match »
kunnafonisaben boko 447 nan kònø
Bayelemabaga : Tumani Yalam
Sidibe

Jekabaara

Lablikuntigi Sében jekulu kantigu

Tumani Yalam Sidibe
Sében jekulu

Yusufu Kané

Bakari Sangare

Usumani N Tàrawele (CMDT)

Tumani Yalam Sidibe

Jaw tabaga

Haruna Trawele

Sébenbagà oridinateri la

Ture Mama Jalo

Fatumata Cero

Labenbagà oridinateri la

Worokiyatu So

Bacrukanjögöñw

CMDT "SNV" - Ofisi Nizeri

Ofisi iri : OHVN

Haka bota : 16000

Batakisira : 2043

Negejurusira : 229 62 89

Jamana baarada - Seki zayedî tagla

sira - Hamudalayi kin - Bamako

Siti-Webu nimoro

www.afribone.net.ml/jekabaara